



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

De omissione ritus proprii n. 14

urn:nbn:de:hbz:466:1-41878

vas. Quod si adfuit necessitas expediendi Communionem populi, prædictum Sacerdotem excusatum omnino fuisse, nullus dubitat.

De Omissione ritus proprii.

14 **R**itus Missalis Romani à Pio V. editi observandos esse in Ecclesia Latina ab omnibus, iussit idem Pius, *a* confirmavitque Clemens, *b* & Urbanus, *c* uterque Octavus; excipit tamen eos, quibus in aliqua particulari Ecclesia forte contingat alios Missæ ritus observare, idque sive ex prima institutione per Summum Pontificem facta inde à ducentis annis, sive ex antiqua consuetudine per similes ducentos annos usurpata, quos quidem, quamvis, ut dico, excipiat, permittit nihilominus iisdem, ut eum licen-

Z 6 tia

a Pius V. in princip. Missalis. Quo primum tempore. *b* Clemens VIII, ibid. Cum Sanctissimum. *c* Urbanus VIII. ibid. Si quidem est,

ria Episcopi, vel Prælati, totiusque Capituli possint dictos Missalis Romani Ritus amplecti.

15. Iam, ex hac concessione oritur dubiū, *Æquid faciet Sacerdos Romani* (ut claritatis gratia sic loquar) Ritus, si inveniatur in loco, ubi servatur Missale, non Romanū: in Ecclesia v. gr. Ordinis Carmeliti, vel in Templo Ambrosiano Mediolani, & contra. Quid faciet Sacerdos Carmelita, vel Ambrosianus, in Ecclesia, ubi servetur Missale Romanum.

16. Non loquimur autem hic, ut vides de Ritu universali Ecclesie Latinæ, vel Græcæ, quoad Azimū, vel fermentatum, & similia, de hoc enim satis superque egimus in Opusculo de expediēda Communionē, sed de his Ritibus satis accidentalibus in Ecclesia eadem Latina diversis, quoad quasdam Orationis Ceremonias, Rubricas, & Quatuor dictis rem expedio.

17 Dico

¶ C. 2. §. 6.

17. Dico Primo. Sacerdos, qui est membrum alicujus Ecclesiæ, si-
vè Romani, siue Ambrosiani Ritus
v. gr. sine controversia tenetur ser-
vare Ritum etiam accidentalem
inibi inceptum. Ratio est, quia, ut
ibidem a diximus, quilibet tenetur
Ritum in sua Ecclesia receptum cu-
stodire.

18 Hinc etiam fit, ut qui ex una
Ecclesia transeat in aliam, & domi-
cilium ibi figat, animo ibidem per-
petuo manendi, vel etiam manendi
b per majorem anni partem, teneatur
ejusdem Ecclesiæ Ritus serva-
re, quia jam ejus est membrum, &
pars. Quare Sacerdos Romanus
si fiat v. g. Carmelita, vel Mediola-
nensis Ecclesiæ, vel contra, Ritum
susceptæ Ecclesiæ amplecti de-
bet.

19. Dico Secundo, si Sacerdos
proprii Ritus v. gr. Ambrosiani per

Z 7

tran-

a Opusc. de exped. com. cap. 2 §. 6. b
Ceninch. de Euch. quæst. 74. art. 4. d.
4. num. 115.

transitum inveniatur in territorio,
ubi servatur Missale Romanum, vel
Sacerdos communis Romani Ri-
tus, si transeat per territorium, ubi
servatur Missale non Romanū, po-
test, & vel Ecclesiæ suæ Ritum, vel
Ritum loci, per quem transit, in
Missa, & Officio, ut liber, observa-
re. Ratio est eadē, quam *b* ibidem
diximus, quia est probabilissima
sentētia, peregrinum posse se acco-
modare legibus, & cōsuetudinibus
loci, per quem transit, si velit, non
tamen teneri, si quidem potest sui
loci consuetudines sequi.

Dixi (Sacerdos communis) pro-
pterea, quæ mox addam.

20 Dico enim Tertio. Quod
si Religioso Romano rāseunt per
dictum territorium diversi Ritus,
contingat Sacrum facere in Eccle-
sia sui Ordinis ibidem existente, in
qua

a Coninch. de Euch. quest 83. ar. 1.
n. 268. & q. 74. art. 4. d. 4. n. 11. Prep.
3. p. q. 73. ar. 4. d. 5. n. 190. *b* Opusc. de
exped. com. loc. cit.

qua servatur Ritus Romanus, quales multæ solent esse in huiusmodi Diœcesibus, ut contingit in Mediolanensi, tunc talis Religiosus debet servare Ritus Romanum, quamvis in tota Civitate alius Ritus observetur. Ratio est, quia cum in Ecclesia talis Ordinis servetur Missale Romanum, ipse vero sit membrum talis Ordinis, illi se debet conformare.

21. Dico Quarto. Si Sacerdoti Romano transeunti per Diœcesin ubi servatur Ritus Romanus, contingat Sacrum facere in Ecclesia ubi servatur Ritus diversus; teneatur ibi Romanum Ritus servare, non vero potest diversum, v.g. Carmelitarum. Ratio ducitur ex dictis. 1. quia illud privilegium de sequendo diverso Ritu à Romano, solum est pro Carmelitis, non vero pro aliis.

22. Sed quid faciet Sacerdos Romanus, si inveniatur in Ecclesia v.g. Carmelitana, velitque Sacrum facere

facere, nec superat copia Missalis Romani? Respondeo. Auctor huius essem, ut, si non adsit causa, abstineret à celebrando, quia hi Ritus, licet accidentales, judicantur tamē alicujus momenti, atque adeo à suis custodiendi. Si adsit causa, pensetur gravitas causæ, diversitasque Ritus suscipiendi, & juxta dicenda numer. 30. fiat quod expedire judicabitur.

Illud certè mihi accidit, cum essem junior, quod invitatus ad celebrandum in die festo in Ecclesia Carmelitana, cū progressus essem ultra in Sacro, adverti Missale, quo utebar, esse Ordinis illius, nec posse sine aliqua astantium admiratione Romanum petere: unde judicavi, ex tali causa, illo tunc, & non Romano uti, mihi licuisse.

Omissa en, & quæ ratione suppleri debeant.

¶ **S**i quis paululum in Missa procedens advertat se aliquid